

შპს „საქართველოს გაზის ტრანსპორტირების კომპანია“



დაფინანსების წყარო
საკუთარი შემოსავლები

მთლიანი ან ნაწილობრივი სამშენებლო სამუშაოები და სამოქალაქო
მშენებლობის სამუშაოების შესყიდვა
(CPV კოდი 45200000)

ელექტრონული ტენდერის
სატენდერო დოკუმენტაცია

თბილისი
2016წ.

სარჩევი

1. ინსტრუქცია „ელექტრონულ ტენდერში“ მონაწილეთათვის;
2. ტექნიკური დოკუმენტაცია;
3. საკვალიფიკაციო მოთხოვნები;
4. ერთიან ელექტრონულ სისტემაში წარსადგენი დოკუმენტაციის ჩამონათვალი;
5. სახელმწიფო შესყიდვების შესახებ ხელშეკრულების პროექტი;
6. დანართი №1, აფიდავიტი;
7. დანართი №2, რეკვიზიტები;
8. დანართი №3, ფასების ცხრილი;
9. დანართი №4, ინფორმაცია გამოცდილების შესახებ;
10. დანართი №5, ინფორმაცია შესრულებული სამუშაოების ვადის და გარანტიის შესახებ.

ინსტრუქცია „გამარტივებულ ელექტრონულ ტენდერში“ მონაწილეთათვის

1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია ვებ-გვერდზე: www.procurement.gov.ge
2. სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მოცემულია ვებ-გვერდზე: www.procurement.gov.ge

1. ტექნიკური დოკუმენტაცია

- 1.1. შესყიდვის ობიექტია მოსახლეობის გაზიფიცირების სამუშაოების შესყიდვა.
- 1.2. სამუშაოების შესრულება/მიწოდების ვადა არ უნდა აღემატებოდეს ხელშეკრულების გაფორმების დღიდან 130 (ას ოცდაათი) კალენდარულ დღეს.
- 1.3. პრეტენდენტს არა აქვს უფლება წარმოადგინოს ალტერნატიული წინადადება.
- 1.4. სატენდერო წინადადების ღირებულება უნდა მოიცავდეს ამ ტენდერით გათვალისწინებულ სამუშაოებთან დაკავშირებულ ყველა ხარჯსა და კანონით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
- 1.5. სატენდერო წინადადების ერთეულის ფასის და საერთო ღირებულების წარმოდგენა დასაშვებია მხოლოდ საქართველოს ეროვნულ ვალუტაში (ლარი).
- 1.6. სამუშაოების შესრულებისას გამოყენებული მასალა-მოწყობილობები უნდა იყოს მაღალი ხარისხის, ახალი, გამოუყენებელი და სრულად შეესაბამებოდეს ამ სფეროში მოქმედ სტანდარტებს. შემსყიდველ ორგანიზაციას უფლება აქვს სამუშაოების მიმდინარეობის პროცესში მოითხოვოს მასალა-მოწყობილობებზე შესაბამისობის სერტიფიკატები.
- 1.7. მიმწოდებელი ვალდებულია შეასრულოს სამუშაო სატენდერო დოკუმენტაციით განსაზღვრული მახასიათებლების შესაბამისი მასალა-მოწყობილობებით. მიმწოდებლის მიერ შემოთავაზებული მასალა-მოწყობილობების აღიარებულ სტანდარტებთან ან/და შემსყიდველი ორგანიზაციის მოთხოვნებთან შეუსაბამობის შემთხვევაში, მიმწოდებელი ვალდებულია თავისი ხარჯებით ჩაანაცვლოს შემსყიდველისათვის მისაღები მასალა-მოწყობილობებით.
- 1.8. სამუშაოების შესრულების პროცესში მიმწოდებელი ვალდებულია დაიცვას საქართველოში მოქმედი სამშენებლო ნორმები და სტანდარტები.
- 1.9. პრეტენდენტს (მიმწოდებელი) უნდა გააჩნდეს საკუთარ ბალანსზე რიცხული ან/და დროებით სარგებლობაში (იჯარის, თხოვების, ლიზინგის ან/და საქართველოს მოქმედი კანონმდებლობით განსაზღვრული სხვა ფორმით) სამშენებლო სამუშაოების უზრუნველსაყოფად საჭირო სატრანსპორტო, სამშენებლო სპეც. ტექნიკა და მანქანა-დანადგარები. ამასთან, დროებით სარგებლობაში მქონე სამშენებლო სამუშაოების უზრუნველსაყოფად საჭირო სატრანსპორტო, სამშენებლო სპეც. ტექნიკა და მანქანა-დანადგარებით სარგებლობის სახელშეკრულებო ვადა სულ მცირე 30 (ოცდაათი) კალენდარული დღით უნდა აღემატებოდეს სამუშაოს შესრულება/მიწოდების ვადას.
- 1.10. პრეტენდენტ (მიმწოდებელი) ორგანიზაციაში დასაქმებული უნდა იყოს მაღალი კვალიფიკაციისა და გამოცდილების მქონე როგორც ინჟინერ-ტექნიკური პერსონალი, ასევე სამშენებლო სპეციალობის მქონე მუშა-მოსამსახურეები.
- 1.11. ანგარიშსწორება განხორციელდება უნაღდო ანგარიშსწორებით, ფაქტიურად სრულად ან ეტაპობრივად შესრულებული/მიწოდებული სამუშაოს შესაბამისად მიღება-ჩაბარების აქტის, ფორმა N2-ის, სადაც აღინიშნება შესრულებული სამუშაოების დეტალური ჩამონათვალი და ღირებულება, რასაც თან ერთვის განხორციელებულ ფარულ სამუშაოებზე გახარჯული მასალების შესყიდვისა და სამშენებლო ობიექტამდე ტრანსპორტირების დამადასტურებელი დოკუმენტაცია (სასაქონლო ზედნადები და ა.შ) და საქართველოს კანონმდებლობით გათვალისწინებული შესაბამისი საგადახადო დოკუმენტაციის წარდგენიდან 10 (ათი) საბანკო დღის ვადაში.
- 1.12. შესაძლებელია განხორციელდეს წინასწარი ანგარიშსწორება მიმწოდებლის მიერ წარმოდგენილი გამოუთხოვადი და უპირობო საბანკო გარანტიის საფუძველზე. მიმწოდებელზე გასაცემი საავანსო თანხა განისაზღვრება არაუმეტეს ხელშეკრულების ღირებულების 20%-ის ოდენობით. საავანსო გადარიცხვა განხორციელდება საბანკო გარანტიის წარმოდგენიდან 5 (ხუთი)

სამუშაო დღის განმავლობაში. მიმწოდებლის მხრიდან საავანსო თანხა გამოყენებული უნდა იქნას მხოლოდ შესასრულებელი სამუშაოების უზრუნველყოფის მიზნით.

1.13. ავანსად გაცემული თანხის უზრუნველყოფის საბანკო გარანტია უნდა იყოს გაცემული მხოლოდ საბანკო დაწესებულების მიერ, გამოუთხოვადი და უპირობო, რომლის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

1.14. ავანსის გაცემის შემთხვევაში, შესრულებულ სამუშაოებზე ანგარიშსწორება განხორციელდება ფაქტობრივად შესრულებული (მიწოდებული) სამუშაოების (რომელიც დადასტურებული იქნება ფორმა N2-ით, მიღება-ჩაბარების აქტით და მოქმედი კანონმდებლობით გათვალისწინებული საგადახდო დოკუმენტაციით) ღირებულების მიხედვით, საიდანაც გადასახდელი თანხა შემცირდება შემსყიდელის მიერ გადახდილი საავანსო თანხის პროპორციულად და მიმართული იქნება გაცემული ავანსის დასაფარად, ხოლო დანარჩენი თანხით ანაზღაურდება შესყიდვის ობიექტის ფაქტობრივი ღირებულება (მიღება-ჩაბარების აქტით დადასტურებული). ზემოაღნიშნული გრაფიკით ანგარიშსწორება განხორციელდება გაცემული საავანსო თანხის სრულად ამოწურვამდე.

1.15. საბოლოო ანგარიშსწორებისათვის სრულად შესრულებულ სამუშაოზე მიმწოდებლის მიერ წარმოდგენილი უნდა იქნას სრულად შესრულებული სამუშაოს შესახებ მიღება-ჩაბარების აქტი, ფორმა №2, სადაც აღინიშნება შესრულებული სამუშაოების დეტალური ჩამონათვალი და ღირებულება, რასაც თან ერთვის განხორციელებულ ფარულ სამუშაოებზე (ქვიშის ბალიშის მოწყობა, ტრანშეის ხრეშით შევსება, ბეტონი) გახარჯული მასალების შესყიდვისა და სამშენებლო ობიექტამდე ტრანსპორტირების დამადასტურებელი დოკუმენტაცია (სასაქონლო ზედნადები და ა.შ), საქართველოს კანონმდებლობით გათვალისწინებული შესაბამისი საგადახდო დოკუმენტაცია და სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის მიერ გაცემული საინჟინრო-ტექნიკური ექსპერტიზის დასკვნა შესრულებული სამუშაოების პროექტთან შესაბამისობის შესახებ.

1.16. ტენდერში გამოიყენება ხელშეკრულების შესრულების უზრუნველყოფის გამოუთხოვადი და უპირობო საბანკო გარანტია, რომელიც უნდა წარმოადგინოს გამარჯვებულმა პირმა, ხელშეკრულების ღირებულების 5%-ის ოდენობით. თეთრ სიაში დარეგისტრირებული მიმწოდებლისთვის გარანტიის ოდენობა ნახევრდება.

1.17. ხელშეკრულების შესრულების უზრუნველყოფის საბანკო გარანტია უნდა იყოს გაცემული მხოლოდ საბანკო დაწესებულების მიერ, გამოუთხოვადი და უპირობო, რომლის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

1.18. ელექტრონულ ვაჭრობაში გამარჯვებული პრეტენდენტის მიერ სავარაუდო ღირებულებაზე 20%-ით ან მეტით დაბალი საბოლოო ფასის დაფიქსირების შემთხვევაში გამოიყენება ხელშეკრულების შესრულების უზრუნველყოფის 10%-იანი საბანკო გარანტია. თეთრ სიაში დარეგისტრირებული მიმწოდებლისთვის გარანტიის ოდენობა ნახევრდება.

1.19. პრეტენდენტს (მიმწოდებელს) უნდა გააჩნდეს უკანასკნელი 2 (ორი) წლის განმავლობაში ანალოგიური სამუშაოების შესრულების/მიწოდების გამოცდილება (**გაზსადენის მშენებლობის გამოცდილება**). შესრულებული სამუშაოების ჯამური ღირებულება არ უნდა იყოს ამ ტენდერის სავარაუდო ღირებულების 60%-ზე ნაკლები.

1.20. პრეტენდენტი ვალდებულია წარმოადგინოს ინფორმაცია ანალოგიური სამუშაოების შესრულების შესახებ, შევსებული სატენდერო დოკუმენტაციის დანართი №4-ის მიხედვით. აღნიშნული ინფორმაცია უნდა მოიცავდეს შესრულებული სამუშაოების ჩამონათვალს მოცულობითი მახასიათებლებით და შესრულების ვადებით, რასაც უნდა დაერთოს შესაბამისი გამოცდილების დამადასტურებელი დოკუმენტების ასლები/ინფორმაცია (ხელშეკრულების, ფორმა №2-ების და საბოლოო მიღება-ჩაბარების აქტების ასლები).

1.21. იმ შემთხვევაში, თუ ტენდერში ყველაზე დაბალი ფასის მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა უნდა დაასაბუთოს ფასწარმოქმნის ადეკვატურობა და ამ ფასად სამუშაოს შესრულების შესაძლებლობა სსიპ „ლევან სამხარაულის სახელობის სასამართლო

ექსპერტიზის ეროვნული ბიუროს“ ან სხვა აკრედიტებული პირის მიერ გაცემული დასკვნის საფუძველზე. პრეტენდენტმა აღნიშნული დასკვნის ღირებულება უნდა დაფაროს საკუთარი ხარჯებით და უზრუნველყოს მისი წარმოდგენა ერთიანი ელექტრონული სისტემის მეშვეობით, შეტყობინების მიღებიდან არა უმეტეს 10 (ათი) სამუშაო დღის ვადაში. აღნიშნულ ვადაში დასკვნის წარმოდგენლობის შემთხვევაში პრეტენდენტი დისკვალიფიცირებული იქნება ტენდერიდან.

1.22. პრეტენდენტმა ტექნიკური დოკუმენტაციის სახით უნდა წარმოადგინოს სამუშაოების წარმოების გეგმა-გრაფიკი, ცალკეული სამუშაოების წარმოების და ვადების მითითებით.

1.23. პრეტენდენტი ვალდებულია სამშენებლო სამუშაოების ხარჯთაღრიცხვაში გაითვალისწინოს გაუთვალისწინებელი ხარჯი 3%-ის ოდენობით.

1.24. პრეტენდენტის მიერ სამუშაოებზე ქვეკონტრაქტორის აყვანის შემთხვევაში, აღნიშნული ქვეკონტრაქტორი, სატენდერო წინადადების მიღების დაწყების მომენტიდან არ უნდა იყოს რეგისტრირებული სახელმწიფო შესყიდვების სააგენტოს შავ სიაში.

1.25. სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ (შემდგომში - „წესი“) მე-2 მუხლის პირველი პუნქტის „კ“ ქვეპუნქტით განსაზღვრული სტატუსის მინიჭებიდან ამავე მუხლის „მ“ ქვეპუნქტით გათვალისწინებული სტატუსის მინიჭებამდე, არაუგვიანეს 24 საათისა, ნებისმიერ მიმწოდებელს უფლება აქვს, სისტემის მოდულის-„კითხვა/პასუხის“ მეშვეობით მოსთხოვოს შემსყიდველ ორგანიზაციას სატენდერო განცხადებისა და სატენდერო დოკუმენტაციის დაზუსტება.

1.26. შემსყიდველი ორგანიზაცია ვალდებულია წესის მე-2 მუხლის პირველი პუნქტის „მ“ ქვეპუნქტით განსაზღვრული სტატუსის მინიჭებამდე, გონივრულ ვადაში, მაგრამ არაუგვიანეს 2 საათისა ტენდერში წინადადების მიღების დასრულებამდე, სისტემის მოდულის შესაბამისი „კითხვა/პასუხის“ მეშვეობით გააკეთოს შესაბამისი დაზუსტება/განმარტება, რითაც შეიძლება იხელმძღვანელოს დაინტერესებულმა პირმა.

1.27. პრეტენდენტის მიერ დაზუსტებული ტექნიკური დოკუმენტაციისა და საკვალიფიკაციო მონაცემების დამადასტურებელი დოკუმენტების ასლების წარმოდგენა შემსყიდველ ორგანიზაციაში ხდება სისტემის მეშვეობით.

1.28. პრეტენდენტის მიერ ერთიან ელექტრონულ სისტემაში ატვირთული დოკუმენტაცია უნდა იყოს ხელმოწერილი უფლებამოსილი პირის მიერ და ბეჭდით დამოწმებული (ასეთის არსებობის შემთხვევაში).

1.29. სატენდერო წინადადების განფასება წარმოდგენილ უნდა იქნას საქართველოს მთავრობის 2014 წლის 14 იანვრის N55 დადგენილების მოთხოვნათა გათვალისწინებით.

1.30. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2. საკვალიფიკაციო მოთხოვნები

2.1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1. იურიდიული პირისათვის:

- ამონაწერი სამეწარმეო რეესტრიდან (საჯარო რეესტრის ეროვნული სააგენტოდან);
- ცნობა საჯარო რეესტრის ეროვნული სააგენტოდან, იურიდიული პირის ქონებაზე (მასზე რეგისტრირებული ქონების არსებობის შემთხვევაში) საჯარო სამართლებრივი შეზღუდვის არარსებობის შესახებ (არარეზიდენტი პირისათვის ცნობა სათანადო უფლებამოსილი ორგანოდან, ლეგალიზებული ფორმა);

- ცნობა საჯარო რეესტრის ეროვნული სააგენტოდან, რომ არ მიმდინარეობს იურიდიული პირის რეორგანიზაცია ან ლიკვიდაცია.

2.1.2. ფიზიკური პირისთვის ან ინდივიდუალური მეწარმისთვის:

- პირადობის მოწმობის ან აიდი ბარათის ან პასპორტის ასლი;
- ცნობა საჯარო რეესტრის ეროვნული სააგენტოდან, პირის ქონებაზე (მასზე რეგისტრირებული ქონების არსებობის შემთხვევაში) საჯარო სამართლებრივი შეზღუდვის არარსებობის შესახებ (არარეზიდენტი პირისათვის ცნობა სათანადო უფლებამოსილი ორგანოდან, ლეგალიზებული ან აპოსტილით დამოწმებული ფორმა).

2.1.3. არარეზიდენტმა პირებმა უნდა წარმოადგინონ თავიანთი ქვეყნის უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიალურად დამოწმებული თარგმანი ქართულ ენაზე.

შენიშვნა: წარმოდგენილი სრული დოკუმენტაციის ანალიზისა და შესწავლის საფუძველზე, შემსყიდველი ორგანიზაცია უფლებამოსილია, მიიღოს გადაწყვეტილება პრეტენდენტის დისკვალიფიკაციის თაობაზე, თუ მიიჩნევს, რომ აღნიშნულმა გარემოებამ შესაძლოა საფრთხე შეუქმნას ხელშეკრულების პირობების სათანადოდ შესრულებას.

3. ერთიან ელექტრონულ სისტემაში წარსადგენი დოკუმენტაცია

3.1. დანართი №2, პრეტენდენტის რეკვიზიტები;

3.2. დანართი №3, ფასების ცხრილი (ფასების ცხრილი (ხარჯთაღრიცხვა) ატვირთული უნდა იქნას Excel-ის დოკუმენტის სახით);

3.3. დანართი №4, ინფორმაცია უკანასკნელი 2 (ორი) წლის განმავლობაში მსგავსი სამუშაოების შესრულების/მიწოდების გამოცდილების შესახებ (გაზსადენის მშენებლობის გამოცდილება), შევსებული სატენდერო დოკუმენტაციის დანართი №4-ის მიხედვით. შესრულებული სამუშაოების ჯამური ღირებულება არ უნდა იყოს ამ ტენდერის სავარაუდო ღირებულების 60%-ზე ნაკლები. აღნიშნული ინფორმაცია უნდა მოიცავდეს შესრულებული სამუშაოების ჩამონათვალს მოცულობითი მახასიათებლებით და შესრულების ვადებით, რასაც უნდა დაერთოს შესაბამისი გამოცდილების დამადასტურებელი დოკუმენტების ასლები/ინფორმაცია (ხელშეკრულების, ფორმა №2-ების და საბოლოო მიღება-ჩაბარების აქტების ასლები);

3.4. დანართი №5, ინფორმაცია შესრულებული სამუშაოების ვადის და გარანტიის შესახებ (შესრულებულ/მოწოდებულ სამუშაოებზე უნდა ვრცელდებოდეს არანაკლებ 1 წლიანი გარანტია);

3.5. სამუშაოების წარმოების გეგმა-გრაფიკი, ცალკეული სამუშაოების წარმოების და ვადების მითითებით.

დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:

ქეთევან შუბითიძე - მატერიალურ-ტექნიკური უზრუნველყოფის და სამეურნეო განყოფილების შესყიდვების კოორდინატორი, შპს „საქართველოს გაზის ტრანსპორტირების კომპანია“ (მისამართზე: თბილისი, კახეთის გზატკეცილი №21, მე-6 სართული 604 ოთახი) ტელეფონი: (+995 32) 224 40 40 (611).

ხელშეკრულება:

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონულ ტენდერში გამარჯვებულ პრეტენდენტთან. პირობები შესაძლოა დაზუსტდეს პრეტენდენტის სატენდერო წინადადების შესაბამისად.

სახელმწიფო შესყიდვის

ხელშეკრულება №

ქ. თბილისი

_____ 2016 წ.

ერთი მხრივ, შპს „საქართველოს გაზის ტრანსპორტირების კომპანია“ (შემდგომში – „შემსყიდველი“), წარმოდგენილი მისი გენერალური დირექტორის ირაკლი ბენდელიანის სახით, და მეორე მხრივ, _____ (შემდგომში – „მიმწოდებელი“), წარმოდგენილი მისი _____ სახით, ვხელმძღვანელობთ რა საქართველოში მოქმედი კანონმდებლობით, „შემსყიდველის“ მიერ გამოცხადებული ელექტრონული ტენდერისა (SPA -----) და „სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს „შემსყიდველის“ მიერ „მიმწოდებლისგან“ ხელშეკრულების ღირებულების ფარგლებში _____ სამშენებლო სამუშაოების შესყიდვა (CPV 45200000) (შემდეგში - „სამუშაოები“).

1.2. სამუშაოები ხორციელდება ხარჯთაღრიცხვის და სამუშაოების წარმოების გეგმა-გრაფიკის შესაბამისად, რომლებიც მოცემულია ხელშეკრულების დანართი №1-ის და დანართი №2-ის სახით და წარმოადგენენ მის განუყოფელ ნაწილებს.

მუხლი 2. მხარეთა უფლება-მოვალეობები

2.1. „შემსყიდველი“ ვალდებულია უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით.

2.2. „შემსყიდველი“ უფლებამოსილია:

2.2.1. მოსთხოვოს „მიმწოდებელს“ ხელშეკრულებით ნაკისრი ვალდებულებების დროულად და სრულად შესრულება;

2.2.2. „მიმწოდებლის“ მხრიდან ხელშეკრულებით ნაკისრი ვალდებულებების შეუსრულებლობის შემთხვევაში, შეაჩეროს ანგარიშსწორება „მიმწოდებლის“ მიმართ.

2.3. „მიმწოდებელი“ ვალდებულია:

2.3.1. კეთილსინდისიერად და დროულად შეასრულოს მასზე ამ ხელშეკრულებით დაკისრებული მოვალეობები;

2.3.2. ხელშეკრულებით გათვალისწინებული სამუშაოები შეასრულოს მისთვის გადაცემული საპროექტო დოკუმენტაციის შესაბამისად;

2.3.3. სამუშაოების შესრულებასთან დაკავშირებით პრობლემის წარმოქმნის შემთხვევაში დაუყოვნებლივ აცნობოს „შემსყიდველს“ აღნიშნულის შესახებ;

2.3.4. გამოასწოროს უხარისხოდ შესრულებული სამუშაო საკუთარი ხარჯით;

2.3.5. შეათანხმოს „შემსყიდველთან“ სამუშაოების შესასრულებლად გამოსაყენებელი მასალა-მოწყობილობების ტიპი და ვიზუალურ-ტექნიკური მახასიათებლები. „მიმწოდებლის“ მიერ შემოთავაზებული მასალა-მოწყობილობების აღიარებულ სტანდარტებთან ან/და „შემსყიდველის“ მოთხოვნებთან შეუსაბამობის შემთხვევაში, „მიმწოდებელი“ ვალდებულია თავისი ხარჯებით ჩაანაცვლოს „შემსყიდველისათვის“ მისაღები მასალა-მოწყობილობებით;

2.3.6. სამუშაოების შესრულების პროცესში დაიცვას საქართველოში მოქმედი სამშენებლო ნორმები და სტანდარტები;

2.3.7. სამუშაოს დასრულების შემდეგ წარმოუდგინოს „შემსყიდველს“ სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის მიერ გაცემული საინჟინრო-ტექნიკური ექსპერტიზის დასკვნა შესრულებული სამუშაოების შესახებ.

2.4. „მიმწოდებელი“ უფლებამოსილია მოსთხოვოს „შემსყიდველს“ ხელშეკრულებით ნაკისრი ვალდებულებების დროულად და სრულად შესრულება.

მუხლი 3. სამუშაოების შესრულების ვადა, ადგილი და მიღება-ჩაბარების წესი

3.1. წინამდებარე ხელშეკრულებით გათვალისწინებული „სამუშაოები“ იწყება ხელშეკრულების გაფორმებისთანავე და უნდა დასრულდეს ____ (_____) კალენდარული დღის ვადაში.

3.2. სამუშაოების შესრულების ადგილი - _____.

3.3. წინამდებარე ხელშეკრულებით გათვალისწინებული სამუშაოს შესრულება დასტურდება მიღება-ჩაბარების აქტითა და შესრულებული სამუშაოების აქტით (ფორმა №2), სადაც აღინიშნება შესრულებული სამუშაოების დეტალური ჩამონათვალი და ღირებულება, რასაც თან ერთვის განხორციელებულ ფარულ სამუშაოებზე გახარჯული მასალების შესყიდვისა და სამშენებლო ობიექტამდე ტრანსპორტირების დამადასტურებელი დოკუმენტაცია (სასაქონლო ზედნადები და ა.შ.).

3.4. მიღება-ჩაბარების აქტს და შესრულებული სამუშაოების აქტს (ფორმა №2) ხელს აწერენ მხარეთა მიერ უფლებამოსილი პირები.

3.5. წინამდებარე ხელშეკრულებით გათვალისწინებული სამუშაოს სრულად დასრულების შემდეგ, საბოლოო ანგარიშსწორებისთვის, „მიმწოდებელი“ ვალდებულია „შემსყიდველს“ წარმოუდგინოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის მიერ გაცემული საინჟინრო-ტექნიკური ექსპერტიზის დასკვნა შესრულებული სამუშაოების პროექტთან შესაბამისობის შესახებ. ამასთან, იმ შემთხვევაში, თუ „მიმწოდებლის“ მიერ ვერ ხერხდება სამუშაოს დასრულება ხელშეკრულებით დადგენილ ვადაში, „მიმწოდებელი“ ვალდებულია ამ პუნქტში მითითებული საექსპერტო დაწესებულებიდან შესაბამისი საექსპერტო დასკვნის გაცემა მოითხოვოს დაჩქარებული წესით და ვადებით.

მუხლი 4. ხელშეკრულების ღირებულება და ანგარიშსწორების წესი

4.1. წინამდებარე ხელშეკრულებით განსაზღვრული სამუშაოების ჯამური ღირებულება (ხელშეკრულების ღირებულება) შეადგენს _____ (_____) ლარს საქართველოს კანონმდებლობით გათვალისწინებული ყველა გადასახადისა და გადასახდელის ჩათვლით. სამუშაოების განფასება (ერთეულის ფასი) მოცემულია ხელშეკრულებაზე დართულ ხარჯთაღრიცხვაში (დანართი №1).

4.2. ანგარიშსწორება განხორციელდება უნაღდო ანგარიშსწორების წესით, ფაქტიურად სრულად შესრულებული/მიწოდებული სამუშაოს შესაბამისად გაფორმებული მიღება-ჩაბარების აქტის, ფორმა №2-ის და საქართველოს კანონმდებლობით გათვალისწინებული შესაბამისი საგადახდო დოკუმენტაციის ან შუალედური მიღება-ჩაბარების აქტის, ფორმა №2-ის და საქართველოს კანონმდებლობით გათვალისწინებული შესაბამისი საგადახდო დოკუმენტაციის წარდგენიდან 10 (ათი) სამუშაო დღის ვადაში. ამასთან, საბოლოო ანგარიშსწორებისთვის „მიმწოდებელი“ ვალდებულია წარმოადგინოს ხელშეკრულების 3.5. პუნქტში მითითებული საინჟინრო-ტექნიკური ექსპერტიზის დასკვნა.

4.3. შესაძლებელია განხორციელდეს წინასწარი ანგარიშწორება „მიმწოდებლის“ მიერ წარმოდგენილი, საბანკო დაწესებულების მიერ გაცემული საბანკო გარანტიის საფუძველზე. „მიმწოდებელზე“ გასაცემი საავანსო თანხა განისაზღვრება არაუმეტეს ხელშეკრულების ღირებულების 20%-ის ოდენობით. ასეთ შემთხვევაში, „მიმწოდებელმა“ წინასწარ გადასახდელ თანხაზე უნდა წარმოადგინოს „შემსყიდველისთვის“ მისაღები, გამოუთხოვადი და უპირობო საბანკო გარანტია. წინასწარი ანგარიშწორების საბანკო გარანტიის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას. საავანსო გადარიცხვა განხორციელდება საბანკო გარანტიის წარმოდგენიდან 5 (ხუთი) სამუშაო დღის განმავლობაში. „მიმწოდებლის“ მხრიდან საავანსო თანხა გამოყენებული უნდა იქნას მხოლოდ შესასრულებელი სამუშაოების უზრუნველყოფის მიზნით.

4.4. ავანსის გაცემის შემთხვევაში შესრულებულ სამუშაოებზე ანგარიშწორება განხორციელდება ფაქტობრივად შესრულებული (მიწოდებული) სამუშაოების (რომელიც დადასტურებული იქნება ფორმა №2-ით, მიღება-ჩაბარების აქტით და მოქმედი კანონმდებლობით გათვალისწინებული საგადახდო დოკუმენტაციით) ღირებულების მიხედვით, საიდანაც გადასახდელი თანხა შემცირდება „შემსყიდველის“ მიერ გადახდილი საავანსო თანხის პროპორციულად და მიმართული იქნება გაცემული ავანსის დასაფარად, ხოლო დანარჩენი თანხით ანაზღაურდება შესყიდვის ობიექტის ფაქტობრივი ღირებულება (მიღება-ჩაბარების აქტით დადასტურებული). ზემოაღნიშნული გრაფიკით ანგარიშწორება განხორციელდება გაცემული საავანსო თანხის სრულად ამოწურვამდე.

მუხლი 5. ხელშეკრულების შესრულების გარანტია

5.1. ხელშეკრულების შესრულების უზრუნველყოფისთვის გამოიყენება „მიმწოდებლის“ მიერ წარმოდგენილი, საბანკო დაწესებულების მიერ გაცემული გამოუთხოვადი და უპირობო საბანკო გარანტია ხელშეკრულების ღირებულების __%-ის ოდენობით.

5.2. საბანკო გარანტიის მოქმედების ვადა განისაზღვრება არანაკლებ _____ ჩათვლით.

5.3. „მიმწოდებლის“ მოთხოვნის შემთხვევაში, „შემსყიდველი“ ვალდებულია ხელშეკრულებით განსაზღვრული ვალდებულებების სრულად შესრულების შემთხვევაში 5 (ხუთი) სამუშაო დღის განმავლობაში დაუბრუნოს „მიმწოდებელს“ ხელშეკრულების შესრულების უზრუნველყოფის საბანკო გარანტია.

5.4. „მიმწოდებლის“ მიერ ხელშეკრულებით ნაკისრი ვალდებულებების შეუსრულებლობის შემთხვევაში ხელშეკრულების შესრულების უზრუნველყოფის საბანკო გარანტიით განსაზღვრული თანხის განკარგვის უფლება რჩება „შემსყიდველს“.

5.5. „შემსყიდველის“ მიერ ხელშეკრულების შესრულების უზრუნველყოფის საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიაღება „შემსყიდველს“ „მიმწოდებლის“ მიერ ხელშეკრულების პირობების შეუსრულებლობის ან/და არასათანადოდ შესრულების გამო.

მუხლი 6. სამუშაოების ხარისხი და გარანტია

6.1. „მიმწოდებელი“ იღებს ვალდებულებას, რომ შესრულებული სამუშაოების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს „შემსყიდველის“ მოთხოვნებს.

6.2. „მიმწოდებელი“ იძლევა _____ (_____) წლიან გარანტიას, რომ მის მიერ 1.1. პუნქტით შესრულებულ სამუშაოს არ გააჩნია რაიმე ნაკლი. წინააღმდეგ შემთხვევაში „მიმწოდებელი“ ვალდებულია საკუთარი ხარჯით აღმოფხვრას არსებული ნაკლი, „შემსყიდველის“ მიერ ნაკლის გამოვლენის თაობაზე მისთვის („მიმწოდებლისთვის“) გაგზავნილი წერილობითი შეტყობინების მიღებიდან 10 (ათი) სამუშაო დღეში. იმ შემთხვევაში, თუ „მიმწოდებელი“ ვერ უზრუნველყოფს ნაკლის აღმოფხვრას, „შემსყიდველს“ უფლება აქვს დააკისროს „მიმწოდებელს“ შეუსრულებელი „სამუშაოს“ ღირებულების ოდენობის პირგასამტეხლოს გადახდა, რაც „მიმწოდებელმა“ დაუყონებლივ, მაგრამ არაუგვიანეს 3 (სამი) სამუშაო დღისა („შემსყიდველის“ მიერ მისთვის

(„მიმწოდებლისთვის“) ჯარიმის დაკისრების თაობაზე წერილობითი შეტყობინებიდან) უნდა გადაიხადოს.

6.3. შესრულებული „სამუშაოს“ ნაკლთან, ასევე ხარისხთან დაკავშირებით „შემსყიდველისთვის“ ან ნებისმიერი მესამე პირისათვის მიყენებული ზიანის ანაზღაურება ეკისრება „მიმწოდებელს“.

მუხლი 7. ხელშეკრულების ინსპექტირების პირობები

7.1. „მიმწოდებლის“ მიერ ხელშეკრულების პირობების შესრულებაზე კონტროლს ახორციელებს „შემსყიდველი“ მიერ შექმნილი ინსპექტირების ჯგუფი.

7.2. „შემსყიდველი“ უფლებამოსილია, სამუშაოების შესრულების დამადასტურებელი მიღება-ჩაბარების აქტის გაფორმებამდე, სამუშაოების მიმდინარეობის ნებისმიერ ეტაპზე, ჩაატაროს ინსპექტირება, სამუშაოების ხელშეკრულებით გათვალისწინებულ მოთხოვნებთან შესაბამისობის დადგენის მიზნით.

7.3. ინსპექტირებისას გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“.

მუხლი 8. პასუხისმგებლობა და ხელშეკრულების პირობების შეუსრულებლობა

8.1. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

8.2. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ შეწყვიტოს წინამდებარე ხელშეკრულება.

8.3. „მიმწოდებლის“ მიერ სამუშაოების შესრულების დაყოვნების შემთხვევაში „შემსყიდველს“ უფლება აქვს დააკისროს „მიმწოდებელს“ პირგასამტეხლოს გადახდა ყოველ ვადაგადაცილებულ დღეზე შეუსრულებელი სამუშაოს ღირებულების 1%-ის ოდენობით. „შემსყიდველი“ უფლებამოსილია ანგარიშსწორებისას „მიმწოდებელს“ გამოუქვითოს პირგასამტეხლოს სახით მასზე დარიცხული თანხა.

8.4. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, „შემსყიდველს“ უფლება აქვს შეწყვიტოს ხელშეკრულება.

8.5. „მიმწოდებლის“ მიერ ხელშეკრულებაზე დართული სამუშაოების წარმოების გეგმა-გრაფიკის თითოეული ეტაპის შესრულების დაყოვნების შემთხვევაში „შემსყიდველი“ წერილობით ატყობინებს „მიმწოდებელს“ ასეთი დაყოვნების შესახებ და განუსაზღვრავს 10 (ათი) დღიან ვადას დაყოვნების აღმოსაფხვრელად.

8.6. იმ შემთხვევაში, თუ დაყოვნების აღმოფხვრის შესახებ „შემსყიდველის“ წერილობითი შეტყობინებიდან 10 (ათი) კალენდარული დღის ვადაში „მიმწოდებელი“ ვერ უზრუნველყოფს სამუშაოების წარმოების გეგმა-გრაფიკის კონკრეტული ეტაპის შესრულების დაყოვნების აღმოფხვრას, „შემსყიდველს“ უფლება აქვს შეწყვიტოს ხელშეკრულება.

8.7. იმ შემთხვევაში, თუ წინამდებარე ხელშეკრულება შეწყდა „მიმწოდებლის“ მიერ სამუშაოების სრულად დასრულებამდე, „მიმწოდებელი“ ვალდებულია „შემსყიდველს“ წარმოუდგინოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის მიერ გაცემული საინჟინრო-ტექნიკური ექსპერტიზის დასკვნა შესრულებული სამუშაოების შესახებ.

8.8. „მიმწოდებლის“ მიერ ხელშეკრულების ამ მუხლის 8.7. პუნქტში მითითებული ვალდებულების შესრულებამდე, „შემსყიდველი“ უფლებამოსილია არ გააფორმოს მასთან შესრულებული სამუშაოების

თაობაზე საბოლოო მიღება-ჩაბარების აქტი და არ აუნაზღაუროს შესრულებული სამუშაოების ღირებულება.

8.9. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

8.10. ხელშეკრულებიდან ვადამდე გასვლასთან, ხელშეკრულების შეწყვეტასთან და ზიანის ანაზღაურებასთან დაკავშირებული საკითხები რეგულირდება წინამდებარე ხელშეკრულებითა და საქართველოს სამოქალაქო კოდექსით.

მუხლი 9. ფორს-მაჟორი

9.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).

9.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

9.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

9.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

მუხლი 10. ხელშეკრულების პირობების გადასინჯვა

10.1. წინამდებარე ხელშეკრულებაში ნებისმიერი ცვლილებისა და დამატების განხორციელება შეიძლება მხოლოდ წერილობითი ფორმით, რაც უნდა დადასტურდეს მხარეთა უფლებამოსილი პირების ხელმოწერით და დაერთოს წინამდებარე ხელშეკრულებას, როგორც მისი განუყოფელი ნაწილი.

10.2. ხელშეკრულების ფასის შეცვლა დასაშვებია მხოლოდ საქართველოს სამოქალაქო კოდექსის 398-ე მუხლით განსაზღვრული გარემოებების არსებობისას და დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 11. დავის გადაწყვეტა

11.1. მხარეებს შორის წინამდებარე ხელშეკრულებიდან გამომდინარე რაიმე დავის ან აზრთა სხვადასხვაობის წარმოქმნისას, მხარეები შეეცდებიან გადაწყვიტონ დავა მოლაპარაკების გზით.

11.2. თუ გონივრულ ვადაში სადავო საკითხის გადაწყვეტა მოლაპარაკებით ვერ მოხერხდა, დავის გადაწყვეტა მოხდება საქართველოს საერთო სასამართლოში საქართველოს მოქმედი კანონმდებლობის შესაბამისად.

მუხლი 12. ხელშეკრულების ძალაში შესვლა და მოქმედების ვადა

12.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს ----- ჩათვლით.

12.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

12.3. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

12.4. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

12.4.1. რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რა ვადაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში;

12.4.2. ხელშეკრულების ერთ-ერთი მხარე სისტემატურად არღვევს წინამდებარე ხელშეკრულების პირობებს;

12.4.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში.

მუხლი 13. დასკვნითი დებულებები

13.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

13.2. წინამდებარე ხელშეკრულება და მასში გათვალისწინებული მხარეთა უფლება-მოვალეობები და ვალდებულებები რეგულირდება, განიმარტება და აღსრულებადია საქართველოს კანონმდებლობის შესაბამისად. წინამდებარე ხელშეკრულებით გაუთვალისწინებელ ურთიერთობებზე აგრეთვე ვრცელდება საქართველოს კანონმდებლობა.

13.3. მხარეებს უფლება არა აქვთ წინამდებარე ხელშეკრულებიდან გამომდინარე უფლებები და მოვალეობები გადასცენ მესამე პირს მეორე მხარის წინასწარი წერილობითი თანხმობის გარეშე.

13.4. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

13.5. ხელშეკრულების დანართები წარმოადგენენ მის განუყოფელ ნაწილს.

მუხლი 14. მხარეთა იურიდიული მისამართები და ხელმოწერები

„შემსყიდველი“ შპს „საქართველოს გაზის ტრანსპორტირების კომპანია“ მის.: ქ.თბილისი, კახეთის გზატკეცილი №21 ს/კ: 206103722 სს „საქართველოს ბანკი“ ბ/კ BAGAGE22 ა/ა GE15BG0000000175520100 ირაკლი ბენდელიანი გენერალური დირექტორი	„მიმწოდებელი“ _____ მის.: _____ ს/კ: _____ _____ ბ/კ _____ ა/ა _____ _____ დირექტორი
--	---

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისაგან დამოუკიდებლად, ასეე ვადასტურებ, რომ:

*ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდება, რომ აფიდავითში მოცემული ინფორმაცია არის ყალბი ან/და ცრუ;

*უფლებამოსილი ვარ პრეტენდენტის მიერ, ხელი მოვაწერო ამ აფიდავითს და წარვადგინო ეს სატენდერო წინადადება;

*ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

*ჩემთვის ცნობილია რომ ტერმინი „კონკურენტი“ აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

*მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური ან მიწოდების დეტალები, რომელთაც ეხება სატენდერო წინადადება;

*სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვის მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითი განსაზღვრული პირობების დარღვევა იწვევს სისხლის-სამართლებრი პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

რეკვიზიტები:

1	პრეტენდენტის იურიდიული ფორმა და დასახელება:	
2	ხელმძღვანელის სახელი და გვარი:	
3	პრეტენდენტის იურიდიული ან/და ფაქტიური მისამართი:	
4	საიდენტიფიკაციო კოდი:	
5	პრეტენდენტის ტელეფონის ნომერი:	
6	ელექტრონული ფოსტის მისამართი:	
7	მომსახურე ბანკი:	
8	ბანკის კოდი:	
9	ანგარიშის ნომერი:	

ხელმოწერა და ბეჭედი-----
 (მიმწოდებლის უფლებამოსილი პირის სახელი და გვარი)

ხარჯთაღრიცხვა

#	სამუშაოების დასახელება	განზ. ერთული	რაოდენობა	ერთეულის ფასი	ღირებულება
1	2	3	4	5	6
1					
	ჯამი				
	ზედნადები ხარჯები (არაუმეტეს 10%)				
	ჯამი				
	გეგმიური დაგროვება (არაუმეტეს 8%)				
	ჯამი				
	გაუთვალისწინებელი ხარჯი 3%				
	ჯამი				
	დღგ 18%				
	მთლიანი ჯამი				

ხელმოწერა და ბეჭედი-----
 (მიმწოდებლის უფლებამოსილი პირის სახელი და გვარი)

ინფორმაცია გამოცდილების შესახებ					
№	სამუშაოს დასახელება	დამკვეთი	ხელშეკრულების ღირებულება	შესრულების პერიოდი	დამკვეთის საკონტაქტო პირი, ტელ.

შენიშვნა* პრეტენდენტმა აღნიშნულ ინფორმაციას თან უნდა დაურთოს შესრულებულ სამუშაოებზე გაფორმებული ხელშეკრულების, ფორმა №2-ების და საბოლოო მიღება-ჩაბარების აქტების ასლები.

ხელმოწერა და ბეჭედი-----
(მიმწოდებლის უფლებამოსილი პირის სახელი და გვარი)

ინფორმაცია შესასრულებელი სამუშაოების ვადის და გარანტიის შესახებ

№	შესასრულებელი სამუშაოების დასახელება	სამუშაოების შესრულების ვადა	შესასრულებელი სამუშაოების გარანტიის ვადა
1			

სრულად ვეთანხმები სატენდერო დოკუმენტაციით გათვალისწინებულ მოთხოვნებს.

ვკისრულობ ვალდებულებას ტენდერში გამარჯვების შემთხვევაში შევასრულო ზემოაღნიშნული სამუშაოები სატენდერო დოკუმენტაციის შესყიდვის ობიექტის და ტექნიკური დავალების პირობების სრული გათვალისწინებით.

ხელმოწერა და ბეჭედი-----
(მიმწოდებლის უფლებამოსილი პირის სახელი და გვარი)